

宋

會

要

全唐文

宋會要用毛飾甲

元豐元年<sup>甲</sup>八月軍器監奏請將官皮甲以白絲染紅代紅犂牛尾為飾上批絲可惜宜用他毛

宋會要朱紅馬甲

徽宗政和三年閏四月十八日江南東路提點刑獄司奏江寧府都作院歲額合造馬甲四百副舊絲黑漆今承降到朱紅馬甲工料法式樣製合用三朱為襯緣本路民間不用三朱所以無人販到相度乞用砮朱代三朱為襯顏色不甚相遠兼朱紅馬甲合用氈造澀水裙襪其遺本路並不出產今據本院相度乞而用絹綳用

青布裏面更用熟白羊皮代纏結裏詔餘路准此

宋會要 三色甲

乾道四年三月十五日王琪進三色甲各一副如得  
允當其軍器所并馬步軍之數亦乞依此製造從之開  
坐三色衣甲葉數片重如後槍手甲每一副皮線穿舉  
全成重五十八斤一兩至五十三斤八兩甲身葉一千  
八百一十片至一千六百一十片重三十六斤一十四  
兩至三十一斤四兩披膊葉一千二百九十八片至一  
千二十八片重十四斤至一十斤九兩四錢頭年葉六  
百七十四片至五百七片重十斤一十二兩至九斤五  
箭手甲每一副皮線穿舉全成重五十五斤至四十七

斤一十四兩甲身葉一千八百一十八斤至一千六百  
一十二斤重三十六斤一十二兩至三十一斤一十二  
兩披膊葉八百五十片至六百四十六片重一十斤至  
七斤一十二兩頭半葉四百二十片至三百四十九片  
重八斤半至六斤一十兩弩手甲每一副皮線穿舉全  
成重四十五斤半至三十七斤一十兩甲身葉一千三  
百二十六片至一千一百七十八片重二十五斤半至  
二十二斤一十兩披膊葉八百三十六片至六百三十  
片重九斤半至七斤半頭半葉四百二十片至三百五  
十五斤重九斤至六斤一十二兩

按此門垂拱

及下之文德而

外尚有講武

崇政崇德延

和景德長春

崇元繁宏等

視朝蓋舉其

大者如漢建

章唐大明耳

今仍其舊不

為區分

此注視朝下

宋會要

垂拱殿視朝

國朝之制垂拱殿受朝先宰臣升殿奏事次樞密使又

三司次開封府次審刑院次羣臣以次升殿大內西四

即若有公事許時請對自餘後使既退進食訖易服御

崇政殿或延和殿皇帝初出宮門先帶御器械次御龍

親從官起居次諸班都虞侯已下奏聖躬萬福訖前導

駕至殿庭分東西立皇帝升座軍前非導駕者四禮客

省使至閣門副使樞密都承旨以下及祇候諸司使以

下勾當軍頭翰林儀鸞司內弓箭庫左右驎院至閣

門祇候都一班次殿前馬步軍以下奏聖躬萬福舍人

唱各祇候最先庫軍四廂都指揮使以上告謝如在京

宰衣加恩次引改賜章服官各謝次引應告謝官

出使別拜並依引次軍頭司祇候員僚起居次軍頭司引公事

解班引次三班審官院流內銓刑部羣官以次奏事訖左右驎

次三班呈馬若呈武藝諸色人並雜次公事後諸司公

事絕內侍奏門外無公事皇帝降座或延和殿再座復

有內臣近職諸路走馬承受奏或聞館閣所進新修寫

書籍倉庫衣糧器物之式謂之後殿再座內侍者公事

閣門公事則如假日則早御崇政殿閱前殿公事既畢

移座臨軒閱後殿公事馬

太祖乾德六年九月十一日詔自今每旬假日御講武

殿近臣更不赴晚朝其節假及大祠並準令式處分

講武

開寶元年四月二十三日詔自今後每旬做不視朝百官賜修沐一日  
太平興國二年旬休日復視事於講武殿

太宗淳化四年十一月六日金部員外郎謝泌上言陛下每習典即御前殿受朝聽政日吁而熊復崇殿決事比至將中尚未御食望自今前殿聽政既畢且進御食闕釋其勞之心疏奏不荅時泌磨勘三班使臣功過日詔後殿奏事親帝勤政而有是奏又右諫議大夫張洎上奏曰按舊史中書門下御史臺為三省謂侍從供奉之官今起居日侍從官先入殿庭東西立定俟正班入一時起居其侍從官東西列拜甚失北面朝謁之儀請

準舊儀侍從官先入起居畢方行侍立於丹墀之下謂之戒眉班然後宰相率正班入起居雅合於禮臣又聞古之王者躬勤庶務其臨朝之疏數視政事之煩簡唐初五日一朝景雲初始修正觀故事自天寶兵興之後四方多故肅宗而下咸隻日臨朝雙日不生其隻日或遇大寒或暑陰雨泥濘而放百官起居雙日宰相當奏事即時開延英召對或蠻夷入貢勳臣歸朝亦特開紫宸殿引見陛下自臨大寶十有五年未嘗一日不鷄鳴而起聽天下之政雖乾健不息固天德之當然而游馬息馬亦聖人之謨訓僕君父焦勞於上臣子緘默於下不能引大體以爭則忠亮之心有所不至矣臣欲望陛



崇政

下依前代舊規隻日臨朝隻日不坐其隻日過大寒或  
着陰雨泥凜亦放百官起居其隻日太官進食之後於  
崇德崇政兩殿召對軍臣常參官以下及非時蠻夷入  
貢勲臣歸朝亦時開上閣引見並請準前代故事處分  
奏入不報

真宗咸平元年十月二十七日崇政殿視事方午而罷  
真宗自卽位勤勞庶政或閱軍事講習武藝多至己午  
馬 六年十二月詔崇德長春殿門板障上縱節眼並  
令嚴密修補不得疎漏容人窺看其崇政殿逐日差祇  
候指揮使員僚二人押親從官十人各執骨朵過崇政  
殿坐朝及長春殿再座並於門外排立約欄候公事退

即依舊崇政殿內祇候候崇德長春殿坐輪差把行門  
指揮使殿直等人分殿門裏外祇候仍內侍省內侍班  
院差使臣四人更番於崇德長春殿板障門外覲步有  
輒覲覲及便坐起密具姓名聞奏其長春殿門更添差  
親從官二人其殿門裏指揮使殿直候軍員起居退辭  
見班絕即出門外排立直候長春殿起居歸逐處依舊  
祇候只仰本門親從官四人常在門祇候守把仰殿前  
司鈐轄依此排立大中祥符二年八月十四日閣門言  
詳定崇政殿未坐前合入殿內祇應臣僚不得用條床  
杌于於殿側廊下列坐其間靜處歇泊仍只得用毯條  
蓆俟臨軒視事即起侍立其假日宰臣樞密三司使管

宗德

軍節度以下房廊幕內內生物並依舊例從之 七年  
八月六日以天書在萬歲殿故不御長春殿於崇德殿  
視事如式 九年二月二十二日中書門下上言陛下  
撫御庶邦財成萬物未嘗不大昕視政端拱當陽逮至  
退朝再臨便坐往歲以時臻下武恩洽羣倫夙夜在公  
載矜於百執休澣之令俾舉於舊章而陛下雖偶倣寧  
尚御禁殿伏見唐朝故事隻日視朝雙日不坐隻日若  
遇假亦不坐令歸沐編及於具僚聽斷獨煩於君父欲  
望自今旬休及諸假并風寒雨雪特放朝日魚乞後殿  
不坐詔答不允翌日再表固請詔自今上巳端午重陽  
社及大雨雪放朝更不視事自餘如舊其事須奏稟者

即時請對後又表請今後旬休日後殿不坐詔可其日  
遇有合奏覆公事即不拘時候詣便殿請對 天禧元  
年十一月五日直集賢院祖士衡上言伏覩將相及遠  
方使辭見並與內殿特開曲宴比至罷會日已逾午百  
司各已還第而乘輿復御使座決事殆非君逸臣勞之  
旨欲望自今曲宴日特輟視事永為著令從 二年五  
月四日禮儀院上言每歲重午百官休務皇帝不御前  
殿惟宰臣樞密奏事於承明殿今邊警寧靜刑訟稀簡  
望令其日罷奏事不御後殿著為定式百官謝衣服扇  
子賜酒如常儀從之 六月一日禮儀院言先准御劄  
每月旬假及上巳春秋二社端午重陽三伏五休務一

日內司假皇帝前後殿不坐餘日百官不入中書樞密院詣後殿起居又准近詔端午前後殿不坐今叅詳欲望凡遇上件休務日前後殿不視事中書樞密院及諸司有急速公事須面奏者特取進止從之 四年十月一日中書門下上言晉在堯舜優遊巖廊之上而萬機允治漢宣帝循名責實最號勤政而五日一聽事丞相以下敷奏以言唐太宗正觀十三年房喬上言天下太平萬機事簡請三日以臨朝高宗顯慶二年長孫無忌等上言天下無虞請隔日視事詔並從之自後則有五 日一開延英隻日視事隻日不坐皆載在典冊垂為常制方今獄訟頗清事機尤簡在羣司百執猶遂於寧居

承明

而當辰垂旒尚勤於聽覽輿情公議咸所未安伏望伏  
念芻言參行舊典或三日五日一臨軒聽政或隻日視  
事雙日不坐至於刑章錢穀事務差遣承受臣僚除急  
切大事須面對外其餘並令中書樞密院附奏詔禮儀  
院詳定以聞禮儀院上言請自今雙日前後殿不坐隻  
日視朝或於長春殿或於承明殿令入內內侍省臨時  
取旨應內殿起居羣臣並依常日起居文武羣臣有急  
切大事洎面奏不知中書樞密院知者即許請對自餘  
常事並送中書樞密院附奏其諸路承受使臣除內臣  
內及後殿奏事外餘並准此從之 十一月二十四日  
中書門下上言請隻日止於承明殿視朝過五日起居

長春

即御長春殿或其日不坐即閣門傳宣放朝從之 十  
二月二十五日禮儀院言請隻日御承明殿並依假日  
例便服視事不鳴鞭從之 五年十月十日中書樞密  
院言請准故事每五七日一御使殿或朔望坐朝如有  
軍國大事即非時召輔臣參決其隻日資善堂商量公  
事雙日中書樞密院早入並如舊制從之 十五日禮  
儀院言請每坐朝日入內內侍者並前一日傳宣閣門  
從之 乾興元年仁宗即位未改元二月二十八日中書門下  
上言請依先帝近制隻日視事隻日不坐五日前殿起  
居詔付禮儀院參詳禮儀院請自禋除後不以隻日隻  
日百官依例常朝及五日一赴前殿起居外如遇隻日

皇帝視事雙日前後殿不坐自餘休務及假日並如舊例其隻日如值假故只於崇政殿或承明殿視事詔曰朕仰承先訓肇績慶基思與忠賢日勤聽覽至於霄旰非敢迨違卿等任重佐邦道隆體國協于舍論陳此奏章稽舊典之攸中為視事之經制載惟明識諒合通規然每屬於清間亦靡國於暇逸當延侍從講習藝文勉詢嘉謀用俟來請所奏宜允其隻日不視事或遇政務稍暇即當宣召侍臣入侍講讀

仁宗天聖五年七月十三日詔以暑毒尤甚自今日不御前殿止於崇政殿視事放百官起居至八月一日依舊  
明道二年五月二十三日權御史中丞范諷請日



視朝俾事務無壅詔俟莊獻皇太后卒哭取旨時自太  
后崩帝且循故事隻日視朝羣臣見帝躬閱萬務人人  
進見欲有所言故諷因以是請 十月二十八日詔曰  
朕欽膺駿命寅紹屢基虔遵簡易之風勉荷承平之業  
洪惟先聖丕顯大猷屬四方無事之辰有隻日視朝之  
制逮於眇質復稟成規迄臻大寧垂茲一紀懽德弗類  
惟懷永圖念守文之固難思置器之尤重幅員至廣庶  
務實繁儻或墜於下情安能名於和氣當憂勞而靡暇  
在旰吳而起進用詔近司載頒定式自十一月一日已  
後每日於前殿視事其餘休務並假日至依舊例一二  
萬機躬勤於聽覽股肱三事同整於謨明惟文武之具

僚自中外之庶職勵乃首公之節副予求理之心 十  
二月一日問門言准天聖五年詔旨十二月二日承明  
殿更不坐為真宗皇帝承天節今後永為定式又准傳  
旨今後十二月二日更不令引辭見公事今合奏稟詔  
依例常朝 景祐五年二月三日詔曰朕紹宅丕基撫  
臨函夏緬蹈侍循之戒无敷勤約之風洪惟祖宗肅馭  
網柄著德朝之令範革分日之舊儀勉徇適言聿圖簡  
政肆予菲德恪稟成謀迨臻大寧匪敢自暇然以萬機  
之務稅素不忘四近之臣諷詢罔後期下情之盡達雖  
中昊以弗遑特出朕懷載頒定式自今月五日以後每  
日於前殿視事咨爾羣府參寄國均當申儆於具僚尚

叶恭於庶治勉勵久修之節共遵無怠之規行格時和  
以對靈意先是雙日不視朝特降是詔 寶元三年七  
月二十九日知諫院韓琦請自今雙日止御後殿視事  
帝問輔臣故事而張士遜對曰曷日視事已有成規唐  
朝五日一開延英蓋資問燕以輔養聖神帝曰與夫宵  
衣吁食固不侔也前代帝王靡不初勤政事而後失於  
逸豫不可不戒也時帝感小疾太醫數進藥故琦有是  
請 康定元年五月一日詔前殿奏事自今不得過五  
班餘班聽對於後殿仍令御厨給食 六月三日詔自  
今假日御崇政殿亦如前殿毋得過五班辰漏入內進  
食俟再生復對 二年二月十六日詔中書樞密院三

司自今大節大日給假一日餘小節旬休並赴後殿奏  
公事 慶曆五年三月十四日閤門言光州刺史曹侁  
旬當頭軍引見司檢會康定舊則舒州團練使李端愿  
旬當軍頭引見司逐日後殿繫鞋祇候候日穿執起居  
詔如例 六年五月十六日中書門下言制令諸在京  
文武升朝官每日朝其有制免常朝者五日一參起居  
其內外諸司官長上者不在此限若雨雪霑服失容及  
泥潦祁寒酷暑並停昭時詔今後內殿常朝并起居  
或遇雨雪霑服失容如未有傳宣故免即令閤門御史  
臺旋取旨其泥潦祁寒酷暑臨時取旨閤門言者詳如  
非時雨雪不止旋取旨即須伺候門開方始聞奏如是

得旨放免常朝或皇帝却御崇政殿視事况前後兩殿儀制各異深慮合赴後殿起居及祇應臣僚奔赴不及如以為過紫宸殿起居恐雨雪霑服失容只乞自今後每過朔望及合過前殿日或雨雪不止即令閣門旋取旨乞傳宣前殿不坐如旦循舊制每過朔望須過前殿起居即乞令侍衛司指揮使員僚等先於紫宸殿門外東廊上排立俟班到依次起居畢卷班西出其文武百官即依次第先於垂拱殿柱廊上排班內左右巡使及御文中丞知雜以下各於紫宸殿門外西廊上叙立俟班到即分引文武兩班於紫宸殿東西門入起居畢依舊分班出東西殿門由垂拱殿柱廊歸朝堂如以為文

武臣僚遇雨雪於殿門上立班不合禮制設或得旨放  
免常朝皇帝却御崇政殿視事亦洎自有合係後殿起  
居臣僚及上殿班次軍頭司公事復不免各在廊上起  
居况前後兩殿事體一同但遇常朝及起居日雨雪不  
止即乞臨時降旨前後殿不坐詔今後如遇大起居并  
百官起居值雨雪並作常朝 七年四月二十九日殿  
前赴都指揮使李昭亮言自來非時放朝參稍早即軍  
頭司有印劄子關報值晚只是繫書關門承受姓名白  
劄子傳付逐司令行告報難以審實欲乞令關門給印  
紙付當宿承受非次放朝參即填寫告報責有准憑從  
之 皇祐四年七月閤門言准中書批下東上閤門副

使李惟賢狀假日崇政殿起居閣門諸司使副閣門祇  
候班未到間於東階下取便聚立語話交雜况儀制不  
戴先詣殿庭立班欲乞依垂拱殿常朝起居候宰臣以  
下入殿庭以次序班仍添入儀制詔門詳定今相度假  
日崇政殿起居諸司使副閣門祇候等班次未到間於  
東階下便分東西班級行序立冬須端謹候宰臣以下  
入班庭以次序班起居不得取便聚立語話交雜有違  
許閣門彈奏從之 嘉祐元年六月一日詔雙日不御  
殿止隻日御前殿或後殿至三伏終如舊制 七月一  
日詔三司開封府臺諫官審刑院復上殿奏事仍一日  
一班初帝不豫惟二府得奏事至是始引對近日 八

年三月二十一日中書言聖體初安未可日勞政事請

每遇隻日且於後殿坐朝其正衙辭見並權放從之

英宗治平元年五月十一日詔十吾以後依先朝舊制

每日前後殿視事 六月十八日步軍副都指揮使賈

逵言自來軍員赴朝只據諸軍晚探兵士問當若是常

朝即至次日五更鎖匙到城門便開放入晝時鎖閉別

無條貫欲乞將朝門各置鐵牌一面深鑿開朝門四字

牌後各鑿逐門名降付鑰匙庫遇常朝及非時合入即

與鑰匙牌一時降出假故及放朝參即更不降出其牌

與鑰匙到門令監門使臣親監開門放入軍員却使鑰

閉仍下閤門令後常朝及假故逐日關與鑰匙庫照會



從之 十九日閣門言定到上殿侍立臣僚容省引進  
四方館閣門使副樞密院都承旨已下入內侍省內  
侍省都知押班修起居注帶御器械臣僚勾當皇城翰  
林儀鸞司監官殿下祇應臣僚殿前馬步軍以下車頭  
司如引公事在殿階下進讀奏目引撥公事如引呈射  
人即遂旋令內弓箭庫勾當使臣依斜力旋 弓箭階  
下進呈其提點軍器庫臣僚或內有都知押班御藥院  
使臣管勾多進呈殿上祇候掌記策子以備顧問左右  
騏驎院監官押御馬入在朵殿上祇候內衣物庫朝官  
并祇候庫使臣隨進衣物等在排立諸班之後詔可  
二年八月十三日詔自令月十三日後遇常朝日依例

常朝新城門外住營軍員至權放起居候水退道路通行依舊 神宗熙寧元年五月二十五日西上閣門使李評言後殿逐日御馬祗候每遇雨雪御崇政殿即循南廊於延和殿上過厓迎陽門過英閣近北面東擺立伏思犬馬上堂禮經所戒况人主殿閣大步經由非路馬所宜登降欲乞每遇雨雪只令在崇政殿門內南邊東廊上擺立從之 三年二月二日詔今後遇風寒令閣門取旨放起居 六月一日編修閣門儀制所言觀文殿大學士學士舊制前殿侍立又赴假日後殿起居緣已有旨罷前殿侍立其假日後殿亦欲依資政殿端明殿學士例更不起居居從之四年二月十三日樞密

院言都承旨如有假故即輪那逐房都承旨權過後殿  
祇應令有都副承旨二員供職欲乞今後都副承旨全  
闕即輪那逐房副承旨一員權行祇應從之 十二月  
五日閤門言審官三班院流內銓凡引人至主判官親  
即奏乞左右內侍代持奏日伏緣引對轉官差遣皆有  
司常法已有定議欲乞今後應有親屬只具姓名奏知  
不許乞左右人持文字從之 十三日閤門言在內監  
臨庫務京官遇本庫闕官合入殿祇應日於後臨時繫  
鞋別班起居除常朝已有體例外假日宰臣等班數稍  
多欲乞只令依監臨庫務二班使臣例繫鞋綴大班起  
居從之 六年九月十六日引進使李端慤言近來朔

望御文德殿視朝然祁寒酷暑數煩清蹕竊緣紫宸之  
朝欲乞朔日御文德即望生紫宸貴正衙內殿朝儀並  
舉從之 八年五月二十四日詔以時熱更不御後殿  
視事候秋涼取旨 元豐三年五月三日閣門言每歲  
或暑御後殿便於決事乞自五月一日至七月終當御  
前殿日閣門取旨如得旨御後殿即放朝參詔自今三  
伏內五日一御前殿 八年正月四日詔不視事五日  
三省樞密院問候福寧殿東寢閣宰臣言上未視事應  
合行事乞權作聖旨行出以聞爭體稍重者進畫施行  
以上寢疾故也 元豐八年哲宗已即位未改元二月二十二日  
三省樞密院言按儀注未釋服已前過隻日皇帝御迎

陽門日參官並起起居依例奏事每五日遇雙日於迎陽垂簾皇帝坐於簾內之北宰臣執政升殿奏事權屏去左右侍衛百機連公事並許非時請對及賜宣召禮部御史臺閣門奏討論故事詳定御殿及垂簾儀每朔望六參皇帝御前殿百官起居三省樞密院奏事應見謝辭退班各令詣內東門進勝子皇帝隻日御延和殿垂簾日參官起居太皇太后移班少西起居皇帝並再拜三省樞密院奏事三月以上四拜不舞蹈候拊廟畢起居如常儀簾前事以內侍殿下以閣門几軍頭司引呈公事可以權付有司者續具條奏吏部磨勘奏舉人垂簾日引應見謝辭臣僚遇朔望參日不生並先詣

殿門次內東門應檯賜者並門賜從之 二十三日上  
御迎陽門帷殿同太皇太后垂簾宰臣親王以下合班  
起居常制分一十六班至是合班以閣門奏請故也  
元祐三年二月十日詔自今御垂拱殿日如直放朝參  
即取旨御崇政殿 元符三年十二月十六日以皇太  
后服藥不視朝 崇寧五年十二月五日詔臣僚請對  
雖遇休假特遇便殿聽納

高宗紹興元年九月十一日太常寺言得旨今後遇朔  
朔合不視事日分御後殿坐止引百官并起居班三省  
樞密院奏事今月十五日係明堂大禮前三日奏請宿  
齋更不視事從之 二年十一月四日尚書左僕射同

中書門下平章事呂頤浩言己曾面奏行宮南門過朔  
望及冬年節拜表日分若依時開門竊慮百官趨赴立  
班不及欲依東京自來朝會例早開一刻從之 三年  
九月四日詔為射殿窄隘百官起居權放候御後殿日  
依舊 四年九月二十八日上以瘡瘍有妨久坐改坐  
內殿引年執奏事十三年正月十二日閤門言依在京  
禮令三元節前後各一日不視朝詔上元節前後各一  
日不生中元下元正節日作假前後各一日並後殿坐  
二月七日詔今後過假日坐後殿止就常御殿如有移  
倚子公事亦就常御殿引過射射公事射殿權作後殿  
坐引 十四年四月十七日詔今後三省樞密院開放

樞密院滿散天申節道場日並改作後殿坐

孝宗紹興三十二年元末改六月十五日詔今後宰執以

以詣德壽宮起居日持不視事繼又詔過宰執以下得

即改作後殿坐或降旨匝夜及臨十八日上始御後殿

期方得旨集殿不及即不視事九月九日閣門言太上皇

上自登極建詣德壽宮及奏帝巡幸以來止御後殿繼朝廷復興舊典於紹興十三

年二月四日初御前殿特令四參官起居伏自皇帝登

寶位止係後後殿日後分今已降旨九月十二日初御前殿

欲乞是日皇帝御垂拱殿四參官起居從之二十一日

閣門言每過車駕詣德壽宮起居若太上皇帝降旨免

出乞改作後殿生從之乾德元年十一月二日又言若

詣宮日係御前殿日分如前一

殿二字清  
括通考王禮  
三補



日得旨免赴宮即改得殿坐如直夜或臨期方得隆興  
旨即前後殿不生如前二日得旨御殿如常制從之  
元年九月二十八日閤門言昨依年例自五月二十八  
日並後殿坐至九月十二日當御垂拱殿繼以飛蝗避  
正殿至今近文武百僚上表請御正殿已允所請詔以  
十月四日垂拱殿坐二十九日詔慶會聖節前後各一  
日不視事今後準此後又改用十九日習儀是日不御  
朝準此 二年九月十六日閤門言在京及行在舊例  
御前殿日分值雨雪及泥濘得旨放朝參即改後殿坐  
今後乞依例取旨從之 乾道元年三月十一日閤門  
言昨為霖雨不止有傷蠶麥詔避正殿減常膳近文武  
百僚拜表請御正殿已允所請詔以三月十三日垂拱

殿坐 四年十二月十七日詔今後全國賀正旦使人  
赴闕自二月二十一日至二十六日賀會慶節使人赴  
闕自十月十五日至二十日並放朝參並後殿坐今後  
準此 五年十月五日又詔賀會慶節使人赴闕自今  
月十一日為始至二十五日並放朝參仍後殿坐今後  
準此 五年六月十三日軍臣陳俊卿等言聖躬康復  
視朝有日臣子之心咸欲瞻望清光欲乞是日令四參  
官並赴後殿隨大班起居從之 七年四月二十三日  
詔為暑熱依年例自五月十三日並後殿坐并放見謝  
辭及參假官候秋涼日取旨今後準此  
以逐年檢會施行  
降旨立為定

例故附  
見放此

溥熙三年二月十五日閣門言三月三日進

垂拱

呈光堯壽聖憲天體道性仁誠德經武緯文太上皇帝  
日歷其餘係工已假不視事詔特御垂拱殿次日不視  
事 八月二十八日禮部太常寺言十月五日文德殿  
發中官冊寶依禮例前後殿不視事 十年七月十三  
日避正殿減膳不視事以季夏涉秋早曠為害是月二  
十三日以雨霖感應文武百僚拜表請御正殿凡三表  
從之 十四年十月七日詔太上皇帝未御常膳可依  
唐正觀四年典禮自來日權不視朝宰執依時赴內殿  
奏事候太上皇帝康服依舊 十五年三月二十六日  
祕書省著作郎兼權禮部郎官倪思言檢準永昌陵神  
主祔廟前三日不御殿永熙陵虞主至京至于祔廟皆

不御朝乞今比附上件典故其祔廟前三日乞皇帝特  
不視事庶合祖宗禮意從之溥熙十六年二月十三日  
閤門言已降指揮今月十七日宰執以下赴重華宮起  
居乞依例不視事如前一日恭奉至尊壽皇聖帝聖旨  
免到宮起居乞作後殿坐如值夜及至日得旨免赴起  
居竊慮集朝殿官起居不及是日亦乞依例不視事一  
日詔依宰執以下赴重華宮起居準此

宋會要

淳熙七年九月十四日詔自今垂拱殿日參宰臣特免  
宣名 既而閣門言得旨垂拱殿日參宰臣特免宣名  
所有駕出起居奏萬福及引呈射射公事後惟奏事御  
試舉人并唱名對御筵宴及諸處賜茶合與不合宣名  
詔除朝賀六參并人使在庭依議其餘日參宰臣並免  
宣名內樞密使日參如遇押班亦免宣名 八年正月  
十六日詔宜州觀察使安定郡王子棟除上壽六參郊  
祀外餘並免赴赴從其請也 九年八月二十日詔安德軍  
節度使開府儀同三司充萬壽觀使趙伯圭令赴赴從  
駕筵宴上壽六參外餘並免 十四年十一月十二日

右監門衛大將軍沂州防禦使權知太宗正司不黷言  
乞依不息例起赴六參起居從之 十五年七月八日  
中書門下省言垂拱殿四參起居官文臣監察御史以  
上武臣正任刺史以上起赴已降指揮權令侍從官起  
赴後殿起居其武臣觀察使以上未有該載照依文臣  
侍從官已得指揮 十二月四日詔少保嗣漢王士欽  
特與依士勅例除上壽六參郊禮外其餘並免起赴  
紹熙二年七月十一日皇伯太保安德軍節度使判太  
宗正事嗣秀王伯圭言昨任萬壽觀使日起赴從駕筵  
宴上壽六參外餘並免兼照前知宗不息不黷亦係起  
赴六參所有日後朝參欲依已降指揮從之 三年四

月二十七日詔皇姪永興軍承宣使許國公柄令趣赴  
朝參 嘉定十二年正月十一日臣僚奏竊見皇帝御  
正殿或御後殿固可間舉四參官亦有定日近者每見  
改常朝為後殿四參之禮亦多不講正殿後殿四參間  
免陛下臨朝之日固未嘗輟而外廷不知聖意或謂姑  
從簡便非所以肅百執事也常朝之禮止於後臣後殿  
之儀從臣不與四參止及卿郎而乃累月僅或一舉咫尺  
天威疎簡至此非所以尊君上而勵百辟也伏願陛下  
嚴常朝後殿四參之禮起臣下肅謹之心彰明時厲  
精之治豈不偉哉後之

紫宸

宋會要

文德殿視朝  
入閣

宋沿唐制以月朔御紫宸殿羣臣行入閣之儀唐初以月望始以月朔御紫宸殿入閣後唐明宗天成初又以月望國朝但以月朔行之是朝會不御次宣政殿謂之正衙明皇朝以無為守成詔晏朝喚仗百官從否至閣門入唐前舍元殿非王至大朝會不御次宣政殿每坐朝必入仗於正衙或御紫宸殿謂之正衙政殿之儀五代以來既廢正衙立仗而入閣亦從不常朝之儀五代以來既廢正衙立仗而入閣亦從不講至是復行之謂之正衙南殿又待制對御前殿非唐舊矣街每入閣即有帶觀其儀閣門先期舉奏候詔可復每入閣即有帶觀其儀閣門先期舉奏候詔可之廊下食起居自觀其儀閣門先期舉奏候詔可復每入閣即有帶觀其儀閣門先期舉奏候詔可麻餐日賜食令衛其制其儀閣門先期舉奏候詔可復每入閣即有帶觀其儀閣門先期舉奏候詔可起居日賜食令衛其制其儀閣門先期舉奏候詔可復每入閣即有帶觀其儀閣門先期舉奏候詔可即施行前一日有司供帳於文德殿是明既明先列文武官於殿庭之東西次引百官軍校行軍副使等序班



於正衙門外次引御史中丞三院御史序立中丞獨穿  
金吾班過揖兩班一揖歸本位次引監察御史兩員監  
閣於衙門外北面分立次引中書閣下翰林學士兩省  
官分班序立次司天奏辰刻次閣門版奏班齊皇帝服  
鞞乘輦上長春殿駐輦樞密使以下奉謁前導至文德  
殿上承旨索扇卷簾皇帝升座扇却次儀鸞使焚香次  
文武官等拜次司天鷄鳴次閣門勸契次閣門使承旨  
呼四色官喚仗其南班有辭謝者再拜先退次引中書  
門下班對揖序立於衙門外次引翰林學士兩省官中  
丞侍御史殿中侍御史分立於衙門外次引左右金吾  
將軍押細仗入正衙門後橫行拜訖分行上黃道仗隨

入金吾將軍至龍墀分班揖訖序立次引吏部兵部侍郎執文武班簿入對揖立次引中書門下翰林學士臺省官入北面拜訖上黃道將至午街殿鞞急趨赴丹墀彈奏御史至吏部侍郎南便落黃道急趨就位起居郎舍人至兵吏部侍郎後急趨而進飛至香案前皆揖訖序立次金吾大將軍先對揖並鞠躬殿鞞行至折方石位又對揖北行至奏事石位鞠躬一員奏軍國內外平安倒行就位次引文武班至位揖訖鞠躬殿鞞急趨入沙墀次引侍從班橫行率臣祝月起居畢分班序立次引文武兩班出軍校等亦隨出序立於衙門外刑法待制官赴監奏位中書門下夾香案侍立次臺省官出次

翰林學士次兵吏部侍郎出次金吾將軍押仗出次監  
閣御史出出者皆依殿就衙門外位唯翰林學士立門  
側以俟宰相次中書門下詣香案前奏曰中書公事臣  
等已具文奏訖乃退揖殿出次刑法官奏事次待制官  
奏事畢皆出就班次彈奏官出閣門有失儀者彈糾如  
式次左右史出凡出者皆敷鞞急趨揖殿次中書門下  
學士就位閣門使宣放仗皆再拜賜廊下食又再拜次  
閣門使奏閣內無事文武官出殿上索扇垂簾輦還宮  
其賜廊下食自左右勤政門北東西兩廊文東武西以  
北為上立定中丞至本位面南一揖乃就坐食至臺吏  
乃贊搢笏食將訖復贊食畢而罷閣內彈奏官自失儀

崇元

者起居郎階門使宣徽使以次糾之

太祖建隆元年八月朔帝常服御崇元殿王應麟玉海崇元殿即天

安殿太祖五行其禮然御前殿非唐舊矣文武百官入閣置侍制候對官仗

退賜食廊下王應麟玉海廊下食起居唐百觀三年八月朔御崇元殿文

武百官入閣工部尚書實儀待制太常卿邊光範候對

十一月朔御崇元殿入閣宗正卿趙鉅待制知制誥張

澹候對四年四月朔帝服通天冠絳紗袍御崇元殿視

朝設金吾仗羣臣入閣工部侍郎文頴待制給事中馮

士元候對八月朔御崇元殿入閣給事中劉載待制左

諫議大夫在頌候乾德四年四月朔御文明殿入閣王

麟玉海大明殿國史云即文明殿一

太宗太平興國二年閏七月二十八日御史臺言八月  
一日入閣準舊儀諸軍軍主廂主以下及前任見任行  
軍副使等只於朝堂序班陪位不入殿庭起居其文武  
官至本位敝鞞候趨入沙墀再拜鞠躬不呼萬歲令請  
諸軍軍主廂主及行軍副使並如冬正朝賀例先赴殿  
庭陪位序立隨大班退赴門外序立其文武官起居舞  
蹈並如中書門下班從之制兩下此淳化二年十一月一  
日詔以來月朔日御文德殿入閣宜令史館修撰楊徽  
之張洎與有司取舊圖校定儀注以聞徽之等請設殿  
墀位於押樂右南其丹墀龍墀內羣臣自外入至午街  
並敝鞞急趨就位退時亦敝鞞急趨上黃道急行至揖

殿位文武班起居畢亦倒殿鞞就位卷行急趨出殿中  
省細仗左右各加一百人廊下食自左右勤政門北列文  
武兩班門南列諸軍校殿庭班當退而未退者有司輕  
語令出勿致喧咋詔悉從之洎又上奏曰謹按今之乾  
元殿即唐含元殿也在周為外朝唐為大朝冬至設仗  
衛朝萬國在此殿也今之文德殿即唐之宣政殿也在  
周為中朝在漢為前殿在唐為正衙凡朔望起居及冊  
后妃太子諸王三公對四夷君長試制策舉人在此殿  
也今之崇德殿即唐紫宸殿也在周為內朝在漢為宣  
室在唐為上閣即隻日常朝之殿也東晉太極殿有東  
閣閣唐置紫宸上閣法此制也人君恭己南面向明而

理紫宸黃屋至尊至重改巡幸則有大駕法從之盛御  
殿則有鈎陳羽衛之嚴雖隻日常朝亦須五仗所謂入  
閣者蓋隻日御紫宸上閣之時先於宣政殿前立黃麾  
金吾仗俟契勘畢喚仗自東西門而入故謂之入閣今  
朝廷以文德殿正衙權為上閣甚非憲度也竊見長春  
殿正與文德殿相對仗請改創此殿以為上閣作隻日  
立仗視朝之所其崇德殿崇政殿即唐之延英殿是也  
為雙日常明斷之庭庶乎昭合前規永垂昭範疏入  
不報王應麟玉海初上以八閣意因永五代辛  
禮容不簡命殿之等討論此事列為新圖十二月  
朔御文德殿軍臣李昉前跪致詞曰伏以四序將周北  
陸正巖於寒氣一陽已發東郊即扇於和風二儀當交

恭之期三殿舉會朝之禮伏惟法天崇道皇帝陛下三  
靈降命萬國來王膺歷數以紹洪基奄寰區而作元后  
宵衣布政持競競翼翼之心自康王陽顯赫赫威威之  
德今者屬季冬之令旦列多士於彤庭煌煌永息於窮

邊文物重興於聖代臣等叨居祿位幸遇休明度傾捧

日之心共祝後天之壽無任訝時樂聖歡呼忭蹈之至

王應麟上海禮部賜百官麻下舍唐制朔望天子御宣  
收殿受百官起居及諸司奏事仗衛如式敬恭始於至  
辰殿入

周之儀三年五月朔御文德殿入閣詔有司增設黃

麾仗二百五十人令文武官隨中書門下橫行起居從

翰林學士位於參知政事後與節度使分東西揖殿出

餘如舊制舊制入閣惟殿中省細仗與兩省供奉官



文德

班入陳於庭帝以為儀衛太簡故命增設仍先列於庭中殿中省仗仍舊坦易黃衣執儀刀人衣碧

真宗咸平二年八月朔御文德殿入閣右司諫直文館孫何待制比部員外郎直文館洪湛候對 大中祥符

二年六月十六日帝常問羣臣讀時令之禮何時可行王昱等曰舊禮以四時首月讀之詔自今每入閣日即行此禮其後亦不果行 三年閏二月朔御文德殿入

閣右司諫直文館李迪待制全部員外郎杜夢證候對七年四月二日閣門言入閣圖殿上侍立臣僚皆唐時職官與今名品不同望依新儀別畫副本詔禮儀院詳定餘從其請

仁宗景祐三年正月二十六日詔知制誥李淑等重修  
閣門儀制其人閣儀注頌省去繁文前一日有司供帳  
於德殿入閣日殿庭立文武官等於東西各衣綉設殿  
中省左右金吾仗於明堂階下東西對列文武百官即  
度使留後觀察防禦團練使刺史軍校及正衙見謝辭  
官各就班次引御史中丞知雜三院御史揖班如常儀  
各就位次引監閣御史二員於正衙門外屏內北向揖  
訖東西立分屏東西入次引兩省分班立次引文明殿  
學士以下立左省前次引中書門下使相對立兩省前  
分班立仗整班定司天奏時刻閣門版奏班齊皇帝服  
鞞袍輦出樞密三司使副使內諸司使以下迎謁於垂

拱殿前導至文德殿鳴鞭升座索扇卷簾儀鸞仗焚香  
文武官等拜司天鷄唱閣門勘契閣門使承旨安仗謝  
見辭官再拜先退引中書門下班對揖於屏外立於正  
衙門外次引學士兩省御史臺殿中侍御史已上序立  
次引左右金吾大將軍押細仗入金吾將軍先至揖殿  
位拜訖分行上黃道仗隨至龍墀對揖序立次殿中省  
仗下伏下官入次引吏部兵部侍郎執文武班簿對揖  
於屏外由黃道就本院對揖序立吏部左兵部右中書  
門下學士兩省御史臺官入至揖殿位重行拜訖由黃  
道將至午街殿鞞急趨至丹墀本位對揖序立彈奏御  
史二員至吏部兵部侍郎南下黃道歸本位起居郎起

居舍人至吏部兵部侍郎北急趨飛至香案前揖訖分  
立次左右金吾大將軍對揖鞠躬殿鞞至折方石位又  
揖至奏事石位鞠躬左金吾大將軍奏軍國內外平安  
例行至折方石位對揖就班次文武班入軍校隨至對  
立於文武班南文武班至本位次中書門下學士兩省  
御史二官金吾將軍文武兩班並橫行起居祝月畢各  
急趨還位對揖立次文武班先退序立於衙門外軍校  
隨出序立刑法待制官赴彈奏御史位南之中書門下  
夾案侍立次兩省官至揖殿位揖訖出次學士節度使  
至揖殿位揖訖出次吏部兵部侍郎對揖至揖殿位揖  
訖出並就衙門外序立次左右金吾大將軍以下至揖

殿位揖訖出細仗殿中有仗仗下官隨出監閣御史北  
向揖訖出皆就本班中書門下詣香案前奏事畢宣徽  
使贊好去歸位使相卷班至揖殿位揖訖出次待制候  
對官直至奏事位再拜先待制官前奏事畢宣所奏知  
歸位次候對官如上儀歸位再拜舞蹈舍人贊好去分  
班至揖殿位揖訖出次彈奏御史至揖殿位揖訖出次  
起居郎起居舍人退至揖殿位揖訖出次閤門舍人朝  
堂內放仗百官對拜訖舍人宣贊賜酒食次閤門使至  
奏事石位鞠躬奏閤內無事次文武官出索扇扇垂鳴  
鞭輦還內仗出賜廊下食文武百僚待制三司副使同  
自左右勤政門北兩廊文東武西北上立定御史中丞

至本位南向一揖就坐食至臺吏乃贊搢笏食訖復贊  
食訖而罷諸軍校賜食於左右勤政門南兩廊其宰臣  
樞密使以下至龍圖閣直學士於中書親王使相節度  
使於賜食廳留後觀察使至刺史於客省廳管軍節度  
使至四廂都指揮使於幕次於舊儀詳畧稍異故再錄  
之四年三月二十七日詔五月朔行入閣之儀仍請食  
令付禮院詳定儀注以聞先是詔國朝時令委編修官  
約唐月令撰定以備宣讀於是賈昌朝等采國朝律歷  
典禮日度昏曉中星及祠祀配侑諸事當以歲時施行  
者改定為一篇上之遂詔因入閣行其禮 四月七日  
詔五月一日夏至假入閣於禮妨否禮官言按周易復

封先王以至日閉關商旅不行后不省方注方事也冬至陰  
之復也夏至陽之復也故為復則至於寂然大靜先王  
則天地而行者也又禮記仲夏之月日長至陰陽爭君  
子齋戒之處必掩身無躁止聲色毋或進薄滋味毋致  
和節嗜慾定心氣百官靜事勿刑以定安陰之所成鄭  
康成注曰易及樂春秋說夏至人主與群臣從八能之  
士作樂五曰令止之非其道也又蔡邕斷冬至陽氣始  
動夏至陰氣始起故履兵鼓身欲寧志欲靜故不聽事  
迎送冬至陽氣起君道長故賀夏至陰氣起君道衰故  
不賀又後漢志冬至夏至陰陰尋景長短之極微氣之  
所生太史令與八能之士坐於端門左塾大文具樂器

夏亦冬黑前殿之前乘輿親御臨軒安體靜居以听之  
夏至禮亦如之今參詳五月朔朝會合唐舊制其日雖  
是犬祠假比冬至國立禮成受賀緣在質明以復於禮  
無嫌只緣是日夏至據易象月令及先儒蔡邕有閉關  
靜事不賀之說然鄭康成又據樂緯春秋說夏至有前  
殿從八能作樂後漢常行其儀著在史志亦存前準今  
來五月初一日入閣讀時令既屬嘉禮在朔與作本無  
所礙其夏至則於經義有妨若因時變禮約用漢法即  
更繫朝旨詔改用七月一日入閣仍請時令

至期亦罷

寶

元二年十二月十二日參知政事宋庠言近奉德音詢  
及入閣故事臣雖畧陳梗槩理有未詳退而講求取此



條悲夫八閤者是唐家復日於紫宸殿受常朝之儀也  
謹案唐有大內有大明宮宮在大內之東北世謂之東  
內謂大內為西內自高宗以後天子多在大明宮宮之  
正南門曰丹鳳門門內第一殿曰含元正制大朝會則  
御之對北第二殿曰宣政謂之<sub>正</sub>衙朔望大冊拜則御  
之又對北第三殿曰紫宸謂之上閤亦曰內衙復日常  
朝則御之據唐制凡天子坐朝必須立仗於正衙殿或  
乘輿止御紫宸殿即喚正衙仗自宣政殿西門入是謂  
東西上閤門也如以宋朝之制相為比則今之宣德門  
唐丹鳳門也大慶殿唐含元殿也文德殿唐宣政殿也  
紫宸殿唐紫宸殿也今或欲求入閤本意施于儀典即

須先立仗於文德之庭如天子止御紫宸殿即立仗自東西閣門入如此則差與舊儀相合但今之諸殿比於唐制南北不相對但以此為殊耳故後來論議因有未明又按唐自中葉以還雙日及非時大臣奏事別開延英殿賜對若今日假日御崇政庭和是也乃知唐家每遇坐朝之日即與入閣而叔世雜亂五朝草創大昕之制更從易簡立衙立仗因而遂廢其後或有行者常人之所罕見乃復謂之盛禮甚不然也今之相傳入閣圖者是官司記常朝之制如閣門有儀制勅合班雜坐類之類何是為希濶之事哉况唐開元舊禮本無此制至開寶中諸儒增附雜禮始載月朔入閣之儀又以文德殿

為上閣差舛尤甚當當時編撰之士計求未至臣伏恐  
朝廷訖日修復立衙立仗欲乞送付兩制使預加商榷  
改正舊儀詔兩制官詳定翰林學士丁度等奏今詳元  
起請入閣者是唐朝隻日於紫宸殿受常朝之儀若今  
來隔日行之煩頗為煩況今殿宇與舊制不同宜仍舊  
從之 慶曆七年三月十七日詔太常禮院權停所上  
立夏請時令儀先是詔御史中丞高若訥與禮官定請  
時令儀將以四月五日就大慶殿行禮而言者謂未合  
典禮故權罷

神宗熙寧三年五月知制誥宋敏求等言奉詔重修定  
閣門儀制內文德殿入閣儀今儀制所謂載與國朝會

要及時人論議頗或異同按今文德殿唐宣政殿也紫宸殿唐紫宸殿也然祖宗朝皆曾御文德殿入閣唐制常設仗衛於宣政殿或遇只坐紫宸即喚仗入閣如此則當御紫宸閣入閣方協舊制乞下兩制及太常禮院詳定詔學士院議翰林學士承旨王珪等言按入閣者乃唐復日紫宸殿受常朝之儀也唐宣政殿即今文德殿唐紫宸殿即今紫宸殿也唐制天子坐朝必立仗於正衙若止御紫宸即喚正御仗自宣政殿東西閣門入故為入閣五代以來遂廢正衙立仗之制今閣門所載入閣儀者止是唐常朝之儀非為盛禮不可遵行從之

國史李淑傳議入閣曰唐舊歷後帝以月朔御紫宸行入閣儀聖朝太祖五行其禮多御宗元殿備殿中金吾

大清會典事例

卷一百一十一

清大設特制候對官崇元即今天安殿也乾德之度  
 增設黃卷三仗真宗亦三行之繪圖講習藏之禁閱藝  
 文志景祐三平詔育昌朝與丁度李淑宋國朝律歷興  
 禮日度會曉中以呈祠記配侑歲時施行者約應月令定  
 為時令一卷以備宣讀而取定入閣儀異於通禮明年  
 詔因入閣請  
 時令尋停

宋會要

文德殿視朝

神宗熙寧三年六月九日右諫議大夫編修閤門儀制  
宋敏求言本朝以來惟入閤乃御文德殿視朝今即不  
用入閤儀即文德遂闕視朝之禮欲乞下兩制及太常  
禮院約唐制御宣政殿裁定朔望御文德殿儀以備正  
衙視朝之制詔學士院詳定儀注學士韓維等以入閤  
圖增損裁定上儀曰朔日不值價前五日閤門闕諸司  
排辦前一曰有司供帳於文德殿殿庭東西左金吾引  
駕官一名四色官二人各帶儀刀帶金甲天武官一人  
判殿中省一名排列官一名扇二方繖一金吾仗碧欄  
一十二人各執儀刀兵部儀仗排列職掌一名押隊員

僚二人黃麾幡一告止幡八傳教幡八信幡八龍頭竿  
五十戟五十西面右金吾引駕官一名四色官二人各  
帶儀刀帶金甲天武官一名殿中省排列官一名扇二  
方纛一金吾仗碧欄一十二人各執儀刀兵部儀仗排  
列職一名押隊員僚二人黃麾幡一告止幡八傳教幡  
八龍頭竿五十戟五十天武官兩面共一百人門外東  
面青龍旗一五嶽旗五五龍旗十西面白虎旗一五星  
旗五五鳳旗十御馬每面五疋人員二人御龍官四人  
設御屋於殿之後閣及設中書親王皇親百僚等幕次  
於朝堂其日左右金吾將軍常服押本衛仗判殿中省  
官押細仗先入殿庭東西對列天武官等分東西排立

諸軍將校分入北向立朝堂引贊官引彈奏御史二員

入殿門路道當下殿北向立次催文武班分入

其判官

本起居此

路押仗位次丞郎尚書兩使留後觀察防禦團練使判

入以次序位次引兩省官侍制御史中丞知雜三院

御史入次引文武班一品二品入次學士并節度使入

立於右省班前次分引羣臣羣王使相參知政事入並

東西相向對立諸軍將校即於殿庭北向立定

其班次

臺祇

皇帝服鞞袍垂拱殿座鳴鞭內侍省都知押班供

奉官以下帶御器械等

其八內侍省內侍首

祇應諸

司使副等並繫鞵一班四拜起居次進請奏日各省閤

門使次通喝對立覺察失儀引班舍人次宿衛諸衛諸



班次管軍臣僚以下行門指揮使依朔望常例起居殿

御指揮使以下起居次引樞密宣徽使三司使副樞密

直學士內客省吏以下至醫官待詔及修起居注官二

員並大起居諸司使以下退排立供奉赴文德殿於文

武百僚班北東西排立有司進輦皇帝乘輦樞密宣徽

使三司使副樞密直學士內客省使至閣門副使樞密

都承旨至樞密院諸房副承旨前導至文德殿後閣各

歸殿上侍立修起居注官夾香案相向立於螭陛之下各

人二員殿庭北向對立餘並於殿下稍東侍立司天監

奏時刻閣門奏班齊皇帝自後閣出殿上索肩升榻鳴

鞭扇開簾卷儀鸞使焚香唱文武官就位四拜起居鷄

人唱時舍人於彈奏御史班前西向喝大起居御史由  
文武班後至對立位次引左右金吾將軍合班於宣制  
石南大起居班首出班躬奏軍國內外平安歸位再拜  
各歸東西押班位通喝舍人於宣制石南北向立對立  
舍人退於西階次揖軍臣親王以下躬通文武百僚軍  
臣某姓名以下起居分引軍臣以下橫行諸軍將校仍  
舊立閣門使喝大起居舍人引軍臣至儀石北僂伏跪  
致詞祝月訖其辭云文武百僚軍臣全銜臣某姓名  
等言孟春之吉伏惟皇帝陛下膺受時祉  
興天無窮臣等無  
性歡守并臨之至歸位五拜閣門使揖中書由東階升  
殿樞密使帶平事以上由西階升殿侍立五依給事中  
一員以知門下封  
叙事官充歸左省位立於給事中之南如罷轉  
封官每

遇御史堂前期殿請文官二員並依吏部侍郎及刑法官  
轉對官例先於闕門候進奏狀

立於轉對官之南兵部侍郎於右省班南與吏部侍郎

東西相向立定播笏各出班籍置笏上以吏部兵部侍郎  
以審官東西

院官先刑法官以知  
審判大理寺官先親王使相以下分班出引轉對官於

宣制石南宣徽使殿上承旨宣達如儀次吏部兵部侍

郎及刑法官對揖出見解謝地  
自從列儀次彈奏御史無彈奏對

揖出如有彈奏  
正如儀引給事中至宣制石南揖躬奏殿中無

事唱祇候揖西出次引修起居注官次引排立供奉官

以下各合班於宣制石南躬唱祇候揖分班出唱天武

官等門外祇候出索扇垂簾皇帝降座鳴鞭舍人當殿

承旨放仗四色官殿鞞急趨至宣制石南稱奉教放仗

金吾將軍并判殿中省官對拜訖隨仗出親王使相卽  
度使至判文學士臺省官文武百僚諸軍將校等並序  
班朝堂謝賜茶酒皇帝御垂拱殿座中書樞密及請對  
官奏事不引見謝辭班後殿座不座臨時取旨其日遇  
有德音制書御劄仍候退御垂拱殿座制廂出外應正  
衙見謝辭文武臣僚並依御史臺儀制喚班依序分入  
於文武班後以北為首分東西相向重行異位依見謝  
辭班序位餘押班臣僚於班稍前押班後判法官對揖  
出分引近前揖躬舍人當殿宣班引轉官班見謝辭並  
如紫宸殿儀樞密事不帶平章事叅知政事至同簽書  
樞密院事宣徽使並立於宣制石稍北宰臣親王樞密

使帶平章事使相係押班者立於儀石南餘官並立於

宣制石南如合通喚閣門使引並如儀贊喝訖係中書

樞密並揖升殿見謝辭揖西出其合問聖體者並如儀

餘官分班立拜奏御文候見謝班起對班出其朝見

問之類不可合班者各依別班中謝對賜酒應正衙見

謝辭臣僚前一日依例於閣門投下詣正衙榜子閣門

依例上奏目其御史臺四方館正衙狀亦依例投下應

朔日或得旨罷文德殿視朝止御紫宸殿起居其上

奏日正衙見謝辭班並放免依官品隨赴紫宸殿引或

值改作常朝文德殿自有百官班日並如舊儀應外國

蕃客見辭候喚班先引赴殿庭東邊依本國職次重行

異位立定候見謝辭班絕面向躬舍人當殿通班轉於

宣制石南北向立贊唱如儀西出其酒食分物並門賜

如有進奉候彈奏御史出進奉入惟御馬及擔牀自殿

其進奉出入天武官起居舍人進某國進候進奉出給

事中奏殿中無事出其後殿再座合引出者從別儀其

日賜茶酒宰臣樞密於閣子親王於本廳使相宣徽使

觀於殿大學士至齊文閣直學士兩省官待制三司副

使文武百官皇親使相以下至率府副率及府都指揮

使已下至副都頭並於朝堂於朝堂位次不見即管軍

節度使至四廂都指揮使節度使兩使留後至刺史並

於客省廳詔從之 四年五月初視朝於文德殿 元

豐五年五月十九日御文德殿視朝新除職事官未正

謝者許立班 五年十二月二十三日詔正旦朝會日

引駕殿前左右班及人員俟至殿閣即分立於殿東西

夾行門立於龍墀東西勾欄內起居郎舍人左右巡使

並就本位拜其起居郎起居舍人朔日視朝拜亦准此

文昌雜錄後唐莊宗元年中書門下奏每日常朝

西官宿拜獨兩省官不拜惟本朝故事朝退於廊下

食謂為廊下食百官伏自倍宗幸蜀曰以多事之便

不赴廊下食故不拜伏自倍宗幸蜀曰以多事之便

廊食百官拜儀至令未改將五十載禮忌難得惟西

官獨尚不拜豈可終日趨朝當不拜獨於班列有所

異同君言官是近臣於禮又宜肅敬起今已後逐日

朝宣不坐其兩首官與東西班至齊拜從之至明宗

天成元年五月朔外日出紼一札一封賜宰臣曉示

每日正衙常朝五日餘一度起內殿起居其後武百

常非欲事也定朔日文武殿視朝立仗之儀上逐以

熙寧五年方疏朔日文武殿視朝立仗之儀上逐以

哲宗紹聖元年二月十四日禮部言閣門奏三月朔日  
文德殿視朝緣元豐三年四月十八日有旨俟過諒閣  
依舊詔依元豐三年例

高宗紹興十二年十月二十七日臣僚言望詔有司講  
求祖宗故實常朝視朝正衙便殿之儀舉而行之用稱  
萬邦百辟尊君之心禮部太常寺閣門討在京日御殿  
節次朔日文德殿視朝紫宸殿日參望參垂拱殿日參  
四參假日崇政殿坐聖節垂拱紫宸殿上壽若依所請  
欲乞先次宰臣率百僚拜表奏請皇帝御正殿視朝從  
之既而御史臺請以射殿作崇政殿遇朔望權安置幕  
帳門作文德紫宸殿或有相妨去處隨宜排立班次每



過宣赦書德音麻制崇政殿就充文德殿集百官立班  
 聽宣及羣臣拜表聽御劄批答以崇政殿權作文德殿  
 東上閤門立班其垂拱殿四參依儀即於殿門外鋪設  
 位版以駐蹕殿宇木備故有是請王應麟玉海天禧五  
 院請準故事五日一御使殿皇祐編教正街常朝及軍橫  
 行並軍臣立班常朝日輪年臣一頁押班祥符初軍橫  
 臣依故事赴文德殿押班治平四年五月癸未詔春分  
 伏分候辰正牌上垂拱殿視朝未退軍臣使不遇文德  
 殿押班初治唐政事百官起居官德殿謂之過正街行軍  
 常朝休假三日以上內殿起居官德殿謂之過正街行軍  
 以下應見謝辭者皆先赴文德殿謂之過正街行軍  
 保奏請罷文德殿常朝官狀儒林郎守祕書省著作左  
 郎充太常禮院主簿臣楊某奏謹按周禮宰夫掌治朝  
 之法以正王公三公用六卿視朝於內朝臣辨色始入  
 太宰荀息治又業禮記曰視朝於內朝臣辨色始入  
 朝及路寢門之外朝羣臣治事於內朝臣辨色始入  
 上聽每朔望朝參五品以上及備奏官武職事凡監祭  
 御



宋會要 常參起居

國朝之制垂拱殿常朝皇帝初座內侍省都知押班率  
內供奉官以下及寄班等先起居次客間門使以下  
日次三班使臣即度觀蔡防崇國使判文等子弟充  
者次內殿當直諸班殿前指使左右都虞候以下  
者次長入祿候東西班殿侍次御史忠佐次殿前都指揮  
使率軍校至副指揮使次駙馬都尉任判文以上次諸  
王府僚次殿前司諸軍軍使都使次皇親將軍以下至  
殿直次行門指揮使率行門起居以下至內如傳宣前  
殿不座即率臣與樞密使觀文殿大學士以下至竇文  
閣直學士三司使中書舍人三司副使直龍圖閣侍講

諫官修起居注

他官糾察在京刑獄知東西審官內

詳請官當奏事者亦起

皇城內監庫藏朝官橫行及

東西班諸司使副內殿承制崇班供奉官侍禁殿直翰

林醫官待制醫學藝學等回班入

中書舍人乾德後始

太平興國前赴內殿其後罷之止通百官五日起居親

王次侍衛親軍馬步軍都指揮使率軍校至副指揮使

次使相次節度使次統軍

如大將軍上將軍特恩入

次兩使留後觀察使

兩使留後觀察使特恩令次防禦

團練使刺史次侍衛馬步軍軍使都頭起居訖宰臣樞

密宣徽使升殿少頃樞密宣徽使並退宰臣奏事次樞

密又奏事如其日百官五日起居即宰臣中書舍人直

龍圖閣以下至知起居注皇城內監庫藏官不入並隨

大班起居俟侍衛馬步軍軍使都頭班退次左右巡使

入次閣門使引宰臣文武班分東西入赴殿庭起居訖

宰臣升殿侍立俟巡使出樞密宣徽使並退宰臣奏事

餘如上儀凡內殿起居日止兩拜州望或連使三日皆

酒序班于殿門外凡紫宸殿常朝則樞密使以下先就

班俟升座諸司使副以下至殿直起居訖樞密宣徽使

觀文殿學士樞密直學士三司內容省使升殿侍立

宣徽升自西階三司客省升自東階初升殿者餘官並

出次親王以下至侍衛軍使都頭凡八班次左右巡使

次宰臣率文武班入揖如班揖如宰臣與樞密分東西侍立

次行門殿值入俟皇帝降座並退後詣垂拱殿奏事如

常儀

如案展座日非百官起居即軍臣亦在後入

凡崇政殿假日皇帝初座

內侍省都知以下起居

內當軍頭司禮院官亦同班

次客省閤門使

以下呈都知殿前馬軍步軍都指揮使至四廂都指揮

使次御前忠佐馬步都軍頭以下次殿前指揮使都虞

侯以下次東西班都知以下次軍頭司員僚次皇親將

軍以下次行門殿直次通事舍人引宰臣樞密使以下

三司使副觀文樞密直學士知開封府內客省使知起

居注官客省使以下樞密都承旨通事舍人皇城內監

庫藏頭臣諸使使使臣等

並同一班學士知制誥以下朝臣應有公事奏覆者復同

此班次親王並起居訖奏事如常儀

宰臣以下皆具拜笏

藝凡晚朝宰臣樞密翰林學士當直者泊近侍執事之  
臣皆赴國初川此制後罷之今惟大

廟青城致齋日晚朝如改

宋會要 帝參起居

太祖乾德二年正月十二日內殿起居無宰相太子太師侯章為班首前一日司徒侍中范質罷為太子太傅司空魚門下侍郎平章事王溥罷為太子太保樞密使右僕射同平章事魏仁浦罷守本官政也 八月五日詔百官內殿起居日兩省御史臺官分班於殿庭東西相向立金吾將軍各在本班之上中書舍人自今日起內朝先殿臺有官金吾將軍俱為侍從班每內殿起居橫行立於一品之前時王溥罷相為太子太保太祖見溥立於臺前官後謂左右曰溥政相為太子太保太官一品安得在拾遺補闕之後乎遽命分之



宋會要常參起居

太宗太平興國九年九月四日詔常參官廨宇及監臨處在新城外者及諸軍營在新城外者軍使都頭以下並五日一起居副指揮使以上即依舊 雍熙二年十二月十三日詔文武常參官以疾請告經三日以上者御史臺具名以奏當遣醫官診視如或委託即行朝典 端拱元年閏五月閤門言準詔永清軍節度使駙馬都尉王承衍以下令赴前殿起居其鄴州觀察使駙馬都尉吳元宸自來與承衍長春殿一班起居取進止詔元宸承衍前殿一班起居 淳化元年五月二十六日詔兩省官併帶職或監臨物務者自今疾病請假令於中

書下假牒押日後送本省三日己上未朝參仰本省具

聞當遣醫診視如無假牒不赴常朝并五日起居橫行

參假及非時進班慶賀不到即本省聞奏內殿起居不

到閣門糾舉奏聞先是三司度支判官李若拙不赴起

乃下七月十日詔右監門衛將軍柴嘉榮令預後殿起

居嘉榮頃自應州歸順尋授檀州刺史來化指二年六

月十日詔應兼內廷職務朝官等除逐日後殿起居外

每遇內殿起居日並須隨宰臣赴本班各依官位資序

排班十三日詔文武百官在京監常及主判公事除

合免得常朝外有內殿起居橫行參假入閣非時慶賀

侍宴正冬仗御樓御殿承天節行香眾集議事城外立

班國忘行香並令赴班如實有公事急速赴班不及即具公文報臺或公然託故稍涉不恭臺司糾舉施行二十日詔三司職官翰林侍講侍讀諸王府侍講諮議朔善記室及監左藏庫朝官等每過五日起居及承天節冬正仗御樓御殿非時慶賀橫行參假國忘行香依舊儀並綴宰臣大班二十九日侍御史知雜事張郁言內班起居百官皆無幕次止權歇於客省閤門使廳吏舍及聚立廊下欲望自今前一日於東上閤門內東北兩廊預設幕次從之

宋會要 帝起居

至道三年二月二十三日閤門言寒食假開文武百僚  
只於崇政殿依常參起居宰臣太子親王樞密使見仕  
節度使內外馬步將校分爲七班後過五日起居亦於  
後殿從之時太宗不豫故也

真宗咸平二年六月詔文武官五日起居及國忌行香  
橫行參殿如有稱疾請令御史臺察實否如託故即  
牒差醫官看驗以聞內監當倉場慮妨滯人戶輸納者  
即計臨時中狀 四年閏十二月二十日御史臺言舊  
例假三日羣臣並赴文德殿橫行朝參近日以內殿起  
居不赴望申舊制以肅朝儀詔自今並許彈奏 五年

十一月二十一日詔左衛將軍恩州刺史駙馬都尉崇宗慶令赴內殿起居六年右衛將軍駙馬都尉王貽永大中祥符六年在龍武將軍駙馬都尉李遵勗並用此例十二月詔每日起居賜臣僚茶酒日委御史一人與中使閣門祇候同鈐轄翰林司畫所破料例供應景德元年正月十三日御史臺言請百官內殿起居日令引贊官一人於殿門裏伺候報班祇應從之十二月十日車駕駐澶州河北行宮充本州諸軍將校每日起居以移軍河南使就便重率也二年九月八日詔應三館秘閣主判尚書省諸司諸寺監朝官等除已赴內殿起居外並令赴常朝其審刑院大理寺臺直官開封

府判官推官知縣司錄判司天監五官正帶翰林天文

知算造并監在京倉場庫務勾當糧料院朝官等並依

舊免常朝先是元祿寺在錢易上言請文武百十一月

三十日左巡使艾仲孺言文武百官內殿起居日文班

先入殿闕者只於階下近而立班遂致後下階者難為

排立臺司職掌人無例得至殿庭乞下閣門過起居日

輪差閣門祗候一人於殿門階下排整班序從之 三

年八月十三日詔起居日所賜軍校茶酒如聞有司闕

於檢校宜令內侍副都知閣承差使臣監領省視其崇

政殿賜番部酒食亦令監殿門使臣督領其事 九月

十六日詔修長春殿逐日皇帝於崇政殿坐臣僚依長

春殿例次第入起居率臣知樞密院事已下依前殿不  
坐例起居依奉官更不排立殿上祇應喝進奉依長春  
殿例不祇應 十月二十九日詔長春殿修畢依舊於  
前後殿起居四年八月十四日御史臺言文武百官五  
日內殿起文班丞丞郎及百官班次多立班不正或近  
東或近南殿門階側逼隘甚有難為拜跪者臺司知班公  
吏緣不得至殿庭祇應乞下閣門每過起居專差通事  
舍人一員排連班次那容近西立班所首東西臣寮拜  
舞稍便從之

宋會要

常參起居

大中祥符二年四月十一日詔朝堂立班及起居入長春院立班御史臺差引接排班人吏及僕射以上差朝堂人吏引就班列者一如舊制無得於所差人數外更帶人入長春門 二十九日詔自今宰臣依故事赴文德殿常朝立班 四年三月一日祀汾陰迴次陝州放百官沿路起居令先赴西京 六月詔自今常朝并起居臣蔡七人以上不到者具官位姓名聞奏取旨仍於朝堂告示百僚 八月詔應常參文武官每日趨朝並令早赴待漏院候開內門百官齊入委知班驅使官二人常在正衙殿門視察如有日出後方入朝堂者以名



卷之三十一

聞應稱病請假者令御史臺據自來多請病假者相度  
得別無疾病具奏乞差医官看治如顯託疾即具狀彈

奏 五年正月十九日詔無歲十月朔後內殿起居海

賜茶酒頗闌班至朝堂所由司並不宿設蓋御史問門

曠職之故人禁軍負僚逐日起居所給茶酒亦不豐潔

自今當切戒之禁軍指揮使月給隨食酒飲不賜茶酒

二十二日詔每遇起居賜軍員茶酒仰內侍省令

後具四十合賜茶酒日數預前一日告報翰林儀鸞司

令先備座物酒菓如遇鳴賜便排當監散使臣點檢盡

料供給仍仰問門皇城司覺察如敢違慢具事由聞奏

當議劾斷 二十八日詔自今每遇百官起居合賜茶

酒仰御史臺前一日牒報翰林儀鸞司令準備祇應

七年七月詔應臣僚合赴常參特令內殿起居及主判  
職司特免常朝五日一級本班起居外只有橫行赴文  
德殿前立班至日多以上殿奏呈公事及引見人為言  
而不起者自今凡過橫行拜表進名行香除宣昭及本  
職合赴後殿祇應或急速公事外其餘並須赴本班如  
常程合上殿奏事又引見人仍候次者違者御史臺彈  
奏 八年四月二十七日詔百官自拱宸門入赴崇政  
殿起居但不舞蹈其鳴鞭立殿文武班次一如長春殿  
之儀時大內火摧折長春殿以絕大道也六月九日御崇德殿百官起  
居退輔臣詣長春殿奏事如舊儀 十一日詔開封府

自今應取勘文班升朝官以上使臣殿直以上罪犯不計輕重從府司牒報閣門勒住朝參候公事斷遣了日許令依舊八月三十日詔自今文武臣僚為公事取勘候罰放了日令元取勘處畫時關報閣門及曉示本人限五日內謝恩如出限者具名聞奏天禧四年三月十四日右司諫直集賢院祖士衡上言常朝起居日長春崇德殿假日後殿中書樞密文武合班而有閣門祇候一節在班前隨班再拜側立贊唱欲請自今令通班閣門祇候在前殿則與內殿供奉官乙下同起居後殿與軍頭司官同起居然後立殿庭贊唱從之十月十五日詔應軍使至副都頭自十月一日後三日一度

起居賜茶酒前後殿起居卽依例賜過雙日及放起  
居不坐並亦給賜至來年二月一日住賜其文武百官  
每五日所賜茶酒依舊例支給

宋會要 帝恭起居

仁宗天聖元年七月二十九日詔殿前都指揮使蔚昭敏今後與免前後殿起居只奏萬福以昭敏患脚膝故也 八月詔閣門應文武臣僚有服藥并假故不起居者即時闕報入內侍省 二年八月十六日上封言者諸司使副使以下起居多不整齊或樞密使再拜未畢後班先各舞蹈呼萬歲前後誼譁畧無次序無覺舉宣旨宜令閣門差人整肅仍曉示諸司使以下應內殿起居臣僚等每過起居入殿門並酒端謹不得喧嘩依班次排立同樞密使起居拜舞呼萬歲班退亦須整肅稍涉慢易仰閣門糾舉聞奏當行朝典閣門失於糾舉使

副使等並勅罪施行 六年六月二十六日免常朝官  
屯田郎中閻丘夢松等七人稱疾不赴朝參罪詔御史  
臺復有七人以上不到者論如法 七年三月二十六  
日東上閤門使李昭亮等言今雙日不坐每月仍多假  
故起起居者不過十日而臣僚請假不赴月有至五六  
次者欲乞除請將治假外請朝假過三度者依不赴起  
居例責罰其三班使臣乞下宣徽院察舉從之 景祐  
二年十月二十七日御史臺言諸衛大將軍將軍並係  
三品一行序立諸衛率府率副率並係四品一行序立  
今新除皇親諸衛大將軍將軍八十五員諸衛率府率  
副率五十一員緣皇親大將軍以下並內殿起居員數

稍多殿庭難為排立及非次曲宴殿上窄隘亦是一行  
座次不得詔大將軍將軍率府率副率品序排立如殿  
庭窄隘即重行 寶元二年六月四日詔宗室遠郡并  
大將軍以上過朔望令其長一人入內參起居 慶曆  
三年八月六日詔諫官日起內朝起居 皇祐三年八  
月詔閣門自今如有雨雪便令上廊祇候及開殿門引  
鳴起居永為定式 至和元年八月十二日詔觀文殿  
大學士兵部尚書晏殊五日一赴內殿起居 九月八  
日彰德軍節度使魚侍中駙馬都尉王貽永奉詔許朝  
朔望恩禮優絕今足疾漸損乞五日一奉朝從之 十  
月二十五日詔樞密使王德用高年日入朝謁其持免

拜嘉祐元年十一月二十三日樞密使王德用罷復  
兼同羣牧制置使聽五日一詣崇德殿起居仍許其  
子若孫扶掖之四年六月二十四日御史臺言據左  
右巡使邢夢臣等狀內殿起居文武百官雖於殿門外  
令本臺引贊官依官位叙班立定及入殿庭引贊官無  
例入殿庭引揖是致交雜並不依序立班次况殿庭立  
班自係閣門管勾祇應并諸般失儀彈奏欲乞今後逐  
次起居先以本臺知班三五名依次排定引撥入殿門  
乞令閣門祇候三五員於殿庭裏管勾引接仍乞於紫  
宸垂拱兩殿庭石位錫定班次其諸般失儀即令巡使  
同閣門官員覺察彈奏百官三次失宜乞與理為過犯



詔下閤門與御史臺同詳定以聞令同叅詳到下項文武百官起居日本臺知班引贊官依官次排定即序班入殿同令閤門祇候三員殿庭引損各依官位從北為首分定班次聽側宣訖揖就北面位並依上項序班就立其引贊官一名只依閤門舊例至殿屏照管紫宸垂拱兩殿比舊來起居并側宣位各部稍前逐班鵠定石位閤門覺察舍人依左右巡使東西分立同覺察夫儀者其出班彈奏並依舊儀左右巡使與覺察舍人不糾即依舊儀制閤門使彈奏百官起居班內諸班失儀欲依慶厯七年八月內本臺起請據勘到情理分公私定斷私罪即理為過犯文武百官起居儀制並依官品序

立緣承久例只例官位序班恐難更改今只依舊以官  
位排定班次員多者即許重行員少者合作一班序立  
從之 五年九月詔今後差下陝西河南河東總管駐  
泊鈐轄都監并管勾兵甲知州等自授命後便罷在京  
職務更不赴朝參限半月內朝辭進發曾任中書樞密  
院官令奏赴起居宣徽使管軍臣僚授外任差遣且赴  
起居候朝辭即不赴已正衙辭雖未朝辭更不赴起居  
應赴臺參謝臣僚內有臣赴內殿起居者先入起居訖  
方赴朝堂參謝 八年二月十五日閣門言自來百官  
五日一次起居如值放朝參以次隻日作起居欲乞今  
後過放朝之類以放日為始別實理五日從之

英宗治平元年五月二十一日詔曰夫尊尊而親親人  
道之極也有若諸父保有賢德以藩屏於皇家朕承大統  
思廣骨肉之恩以風天下匪尊過之何以見愛乎皇伯  
東平郡王允弼皇叔襄陽郡王允良寧國軍節度使同  
中書門下平章事允初其免帝朝五日一次赴起居

宋會要 帝叅起居

熙寧二年九月十一日閣門言知制誥吳充權三司使  
公事會勘三司使合綴樞密使班起居上殿侍立制誥  
遇紫宸殿起居綴中書門下班詔遇紫宸殿起居日三  
司使令侍班即綴樞密使班 三年八月二十五日閣  
門言自來兩制以上帶外任差遣時暫到闕朝見訖並  
並不赴起居諸司使副即却並赴起居體例不同詔並  
令赴起居 九日編修閣門儀制言中書臣僚行事畢  
並奏隨班起居自餘臣僚無文今奉詳應祠祭及諸行  
事畢並命隨班起居并上奏從之 十一月樞密院言  
御史臺申舊制諸司使副承制察班內差攝將軍二十

人內有差遣者直中臺不赴立班是致武班闕官乞今後差攝將軍如授差遣候別差到官方得不赴常朝如急速差遣乞降指揮照會方能免罷詔今後係將軍使臣如授差遣須俟別差到人替方得朝辭及不赴常朝仍令審官西院限五日內差官承替 四年五月六日語今後百官起居令御史臺將帶引贊官并副引贊官共二人入垂拱殿依閣門承受體例板壁外祇應 七月二十一日閣門言勘會三班使臣供奉官以下至殿直並係逐日合起居竊緣近歲人數倍多趨就班列殿庭墜隘頗成宣冗欲乞除排立使臣依舊外餘供奉官以下至殿直並只令朔望并北朝人使見辭紫宸殿綴班起居

遇文德殿坐朝綴樞密使以下大班垂拱殿起居畢先  
退從之 十月六日詔中書樞密院來日入東西府時  
辰有礙與免起居令以次官揮班 十一月一日詔中  
書門下自今文德殿常朝候垂拱殿坐令御史臺一面  
放班十二月十八日詔諸伎術官除帶升朝官及諸司  
使副各隨所帶官赴朝會起居外餘依供俸官例並令  
令朔望并北朝人使見辭紫宸殿綴班起居 十年九  
月二十七日閣門言前後殿祇應臣僚兵吏等有執事  
御前並不起居者欲乞應諸班職掌各著起居之次詔  
係衛士者並行起居 元豐三年二月八日詔高麗進  
奉使五日一赴崇政殿起居班常起居後 五年四月

十八日殿前司言御龍骨朵直弓箭直弩直東西班招箭班日赴崇政殿祇候過放朝參改御延和殿諸班都虞候指揮使押班在東華門諺門權門排立距後殿且二里乞依御龍直例入拱宸門赴延和殿迎駕起居從之 五月二日御史臺閣門言開封府詣臺官左右軍巡兩廂官赤縣丞係比類附班得預朝參其秘書省校書初正字太常寺協律奉禮郎太祝郊社令三學博士五監主簿皆執事官雜歷亦在赤縣丞之上而獨不預欲自今並令朝參從之 七月七日詔開封府推判官以下至開封府祥符縣丞寄祿官未陞朝者比類在京職事官並赴起居朝會 十二月二十四日御史臺言

準詔違使見辭日並特起居其前後三日內宜起居權罷二十七日紫宸殿遼使見來年正月六日垂拱殿朝辭若各用本殿即見日望參班赴辭日六參班赴詔並用望參班 七年六月十四日詔戶部尚書王存言自官制行戶部尚書侍郎領晉三司長貳職事止赴前殿起居惟知開封府依舊赴後殿緣知府於後殿非供奉職司而實廢決事時刻詔自今知開封府免後殿起居八年二月二十七日詔諸三司御史臺官寺監長貳開封府推判官六參職事官亦縣丞以上寄祿陞朝官在京釐務官望參不釐務者朔參 八月六日詔朔望皇帝御前殿合赴起居官次日赴延和殿垂簾起居從御



史中丞黃履請也

哲宗元祐元年十一月二十六日詔自今北朝人使見  
辭日令朔望官起居十二月二十八日中書省言元豐  
五年四月七日條契丹使見辭日並特起居其前後三  
日內合起居權罷詔今後人使見辭前後三日內除朔  
望參外起居權罷四年十月十八日戶部尚書呂公  
孺言朝謁之制曰日參六參望參朝參其未有差遣陞  
朝官並朝參係每歲朔參除假故外遇視朝日方赴其  
朝臣中頗有自元豐年出外近到京參部未久復授差  
遣出外者於朝儀元不知習乞以望參為六參朔參為  
望參別不增損儀制於職事不無妨廢詔禮部御史臺

閩門同共詳定以開其後詔朔參官兼赴望參望參官  
並赴六參

宋會要 常參起居

徽宗崇寧二年五月二十一日詔殿中省官並赴內朝參假日亦赴 大觀元年十一月十四日臣僚上言伏見近日六參官及釐務望參官遇起居日輒以病免以致班列蕭疏欲乞今後六參及釐務望參官非在病假不妨入局止是為免朝請假連三次及一歲過五六次者本臺聞奏乞與外任差遣有因請免朝參假其日不廢看謁許本臺覺察彈奏從之

高宗紹興二年正月一日閤門言車駕移蹕臨安府路過忘辰日臣僚並免起居 二十九日御史臺閤門言車駕移蹕臨安府百官趕赴朝參若值雨雪殿內向無南廊其四參官係於南閣子內起居若更令百官立

班委是窄隘令相度如值雨雪率執使相前宰執太尉  
於簷下立班侍從兩省臺諫正任管軍橫行御帶閣門  
應奉官等於南面閣子內立班內文武卿監郎官以下  
文臣武功大夫以下並於殿門外立班詔文臣卿監郎  
官以下武臣武功大夫以下並於東西兩廊立班餘並  
依十二月六日太尉定江昭慶軍節度使神武右軍都  
統制張浚言見係管軍職任望許依三衙管軍例每遇  
朝參內皇城北門入出奉御寶批依五年閏二月二十  
五日詔管軍遇赦大日免朝參 三月九日詔天寧節  
乾隆節 啟滿散道場權免常參六參官起居從宰相  
趙鼎請也 九月五日詔御試唱名六參官免赴起居

九年二月三日御文中丞勾龍如淵言比來每過朔望或六叅日令赴官類多託疾在告不赴小者因循大者偃蹇班列蕭疎甚非所以恭臣職隆朝序之意望申戎在位以肅建儀仍從本臺將在告最多之人刻實奏彈詔依表仍出榜朝堂 二月二十六日御史臺言準條朔叅用釐務不釐務通直郎以上望叅用釐務通直郎以上宣制非時慶賀以望叅官餘並以朔叅官赴昨申請添用行在承務郎見任寺監主簿以上職事官緣即令殿庭窄狹及值雨上廊有擁阻拜跪艱難欲依條止告釐務通直郎以上起赴從之 五月十三日詔今後帶軍職非主管三衙公事遇合赴起居五班令履笏

主本官班

時以張中彥帶龍神衛四  
扇都指揮使故有是站

十二年三月二日

詔善安郡王出外第朔望日赴起居於太尉後外官邸

度使前起居 八月十八日詔人使見辭不作常朝今

後依此 十三年二月十一日詔張俊韓世忠辛淵並

特令赴赴六叅起居皆以在京宮觀奉朝請故也 十

七日詔殿前司統制統領將佐使臣等係從軍差遣每

日赴起居教多在城外置寨見謝辭已依議外應朝叅

特免赴赴拜表因忌行香開放滿散等十四年三月二

十二日詔今後臣僚面上有刺大字雙旗等或燒炙之

人遇合朝叅並許赴赴時以李用仕罷朝見元軍功出  
身而上審判雙旗開門中審故

有是十八年五月十八日詔今後遇集英殿宴其需雲

殿起居班權移在集英殿後幄起居今後準此 二十  
年正月五日詔自今後使人朝辭並依見宴於後幄引  
起居班并上殿殿 十四日詔今後使人朝辭依見宴  
於後幄引起起居班并上殿班權於知閣門官以下內侍  
知省御帶以下并諸司應奉官等一班起居訖次管軍  
一班次引軍執奏事次引上殿班次皇帝紫宸殿坐車  
執以下赴坐官一班起居訖分東西相向立次館伴起  
居次引使人起居訖西序立次坐官并使人一班謝坐  
兩拜訖引升殿次引三節人從起居謝坐餘起居班並  
權免赴 三十年二月六日詔軍頭司見起赴後殿起  
居祇候軍員今後與忠佐作一班起居 三十一年十

此條移德壽  
宮起居門內  
瀟熙壬午上

二月八日太常寺言車駕巡幸視師禮門行宮官僚五

日一拜常參起居表欲乞權免其表文付遞投進從之

紹興三十二年九月十二日孝宗即位未改元上御垂拱殿

四參官起居 十二月三日詔張燾辛次膺許朝謁常

朝等假依時入局治事如有面對於午後令內殿引見

孝宗乾道元年十二月二十五日詔來年正月一日人

使人賀畢車駕詣德壽宮起居應從駕臣僚祥曦殿免

奏萬福內不該赴坐臣僚與免祥曦殿起居今後準此

二年八月三十日詔自九月六日垂拱殿坐過四參

日依舊制令四參官起居如值雨露濕令閣門取旨改

日參 九月七日閣門奏垂拱殿四參四參謂車執侍從武臣正班



文臣卿監員郎  
監祭御史以上皇帝坐先請奏日知閣以下次御帶環

衛官已下次忠佐次殿前都指揮使已下次殿前司員

僚次皇太子次行門已上逐班並常起居次樞密學士

待制樞密都承旨已下知閣并祇應武功大夫以下通

班常起居樞密升  
殿侍立次親王次馬步軍都指揮使次使相

次馬步軍員僚已上逐班並常起居次殿中侍御史入

側宣大起居訖歸侍立位次軍執已下并兩省官文武

百官入相向立定通班而北立大起居訖凡常起居兩  
拜大起居七

并三省升殿侍立餘官  
分立次兩省官出次殿中侍御史對

揖出有彈奏  
如儀三省樞密奏事次引見謝辭次引臣僚奏

事訖皇帝起詔今後遇四春日分起居班次可移殿中

侍御史及軍執以下百官班令次樞密已下班起居却

令親王并殿前都指揮使以下殿前司員僚逐班於軍

執已下班後起居餘並從之 十二日詔合赴四參官

於今月十七日赴垂拱殿習儀 淳熙三年始詔習儀

於都亭驛 五年六月二十一日上御後殿四參官並

隨大班起居時聖體初康復十一月十七日臣僚言今後如遇

四參等臨時稱疾不赴致班列蕭疎者當覆實彈奏從

之 七年九月詔自今垂拱殿日參宰臣特免宣名

十月六日詔太尉曹勛落致仕提舉皇城司特令赴

六參起居 十一月十三日詔左朝散大夫試太子詹

事兼侍講陳良翰令止赴六參起居 九月正月二十

五日詔自今每遇駕出御後殿宰執百官并儀衛等並  
赴後殿起居

宋會要 德壽宮起居

臣僚起居太常寺先奉詔脩定群臣朝太上皇帝儀注是日宰執率文武百僚詣德壽宮入班殿庭太上皇帝即御座殿下禁衛起居如常儀宰執以下再拜舞蹈又再拜班首不離位奏聖躬萬福又再拜卷班以出從之

自後並同此制過宰執除拜加恩止謝畢即其奏劄於本官收進若許到宮或免列宮聽時聽太上皇帝聖旨

淳熙十二年九月二十八日太常寺言已降指揮十月二日皇帝帥百僚詣德壽宮奉表殿恭請加上尊號所有是日宰執已下詣德壽宮起居改用四日從之